

ԷԿԿԱՆ ՓԱՍՏԵՐ ԵՎ ՏԵՂԵԿՈՒԹՅՈՒՆՆԵՐ

«ԱՄԵՐԻԱԲԱՆԿ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ
ՀՀ, ք. Երևան 0010, Վ. Սարգսյան 2,
Հեռ.՝ (+37410) 561111, ֆաքս՝ (+37410) 513133
Էլ. փոստ՝ info@ameriabank.am
Հաշվետվություն թիվ 01, 19.02.2024

Ամերիաբանկի բաժնետոմսերի հնարավոր վաճառքի վերաբերյալ

Ձեռք է բերվել պայմանավորվածություն, համաձայն որի Bank of Georgia Group PLC (այսուհետ՝ «ԲիՕՋիՋի» կամ «Խումբ») նախատեսում է գնել Ամերիաբանկի 100% բաժնետոմսերը («Գործարք»): Գործարքի պայմանների համաձայն՝ բաժնետոմսերի 90%-ը ձեռք կբերվի անմիջապես, իսկ Վերակառուցման և զարգացման եվրոպական բանկը («ՎՉԵԲ») առայժմ կպահպանի Ամերիաբանկում իր 10% բաժնեմասը:

Լոնդոնում գործող ԲիՕՋիՋի միջազգային ֆինանսական խումբը, որը ցուցակված է Լոնդոնի ֆոնդային բորսայի հիմնական շուկայի Պրեմիում հարթակում և ներառված է FTSE-250 ինդեքսի ցանկում, պատրաստվում է ընդլայնել իր աշխարհագրությունը և նպատակ ունի մուտք գործել հայկական շուկա Հայաստանի բանկային համակարգի առաջատարը հանդիսացող Ամերիաբանկի միջոցով: Գործարքի ավարտից հետո, երբ Ամերիաբանկը միանա ԲիՕՋիՋի-ին, նախատեսվում է իրականացնել ԲիՕՋիՋի-ի վերաբրենդավորում՝ նշանավորելով զարգացման նոր ուղու սկիզբը:

Գործարքը դեռևս ենթակա է հաստատման բաժնետերերի, ինչպես նաև կարգավորող մարմինների, այդ թվում՝ ՀՀ Կենտրոնական բանկի կողմից: Բոլոր փուլերի բարեհաջող ավարտի դեպքում Ամերիաբանկը խմբում կգործի որպես առանձին ընկերություն՝ պահպանելով իր ապրանքանիշը և կորպորատիվ ինքնությունը:

«Bank of Georgia Group PLC»-ի մասին

«Bank of Georgia Group PLC»-ն («Խումբ») Միացյալ Թագավորությունում գրանցված ընկերություն է, որը ցուցակված է Լոնդոնի ֆոնդային բորսայի Պրեմիում հարթակում և ներառված է FTSE-250 ինդեքսի ցանկում: Խումբն ունի բաժնետերի դիվերսիֆիկացված կազմ և ընդգրկում է ինստիտուցիոնալ ներդրողների: Խումբը տրամադրում է նորարարական և թվային բանկինգի և ֆինանսական լուծումներ մանրածախ, ՓՄՁ և կորպորատիվ հաճախորդներին «Bank of Georgia» ԲԲԸ-ի հիմնական գործառնությունների միջոցով: Վերջինս հանդիսանում է Վրաստանում գործող առաջատար ունիվերսալ բանկ, որն առաջարկում է լավագույն թվային

լուծումները: Շնորհիվ իր տեխնոլոգիական և վերլուծական հնարավորությունների, հաճախորդակենտրոն մոտեցման, փորձառու և մոտիվացված անձնակազմի, ինչպես նաև տեղական շուկայում ապրանքանիշի գերազանց ճանաչման՝ Խումբը հետևողականորեն ապահովում է կայուն աճ և բարձր շահութաբերություն: